

پازار ایرنسی فی ۲۳ ربیع الال سنه ۱۳۲۸ و فی ۲۲ مارت سنه ۱۳۲۶

جمعیت علمیة اسلامیة نك ناشر افکاریدر

مدیر مسئول :
مکتب نواب معلملرندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

مقالات	آداب طعام اسلام (مؤلفی امام غزالی) مترجمی . . . طاهر المولوی
مجله یه روا کوریلین مؤاخذه فی مدافعه . . . کوچوک حمدی	قوتفهرانس - انتقاد . . . حسین حازم
خلفای راشدین حضراتی عصر نده احوال اجتماعیه . . . مصطفی عاصم	ادبیات :
تاریخ اسلام صحائفندن . . . طاهر المولوی	فضا . . . ع . عاطف
اسلامده عسکرلک . . . ع . عاطف	ردی علی مافی الذول الجید من الردی . . . مصطفی صبری

نسخه سی ۱ غر وشدرد

آبونه اجرتی (پوسته اجرتیه برابر در)

ممالک اجتهیه ایچون :
۶۰ ، ۱۲۰ فرانق .
" ۶۰ ، ۳۰

استانبول وولایات ایچون :
برسنه لکی ۶۰ غروش
القی آیلنی ۲۰ «

درج ایدلمیان اوراق اعاده اولماز

قارئلر مزه :

اکثر مقالانه آیات کریمه و احادیث نبویه درج ایدلمش بولندینی نظر اعتباره آله برق رعایتسز لکده بولنلماسی رجا اولنور

درسمادت

طین مطبعه سنده طبع اولمشدر

مستند اولمق لازم کلیر . ماندلستام جنابلرینه هانکیسنی ترجیح ایتدکاریخی صورمق ایسترم .

خیار رؤیتک سبب مشروعیتی وحکمت حقوقیه سی حقنده کی مباحث واختلافات فقهیه مزری دیگر مقاله یه تعلیق ایدلم .

کوهنرک حمیری

خلفای راشدین حضراتی دورلرنده احوال اجتماعیه

فاروق اعظم رضی الله تعالی عنه دوری

۳

بوندن اولمکی مقاله ده ایکنجی خلیفه حضرت تارینک زمان خلافتلرینه عائد احوال اجتماعیه دن برنبذه بحث اولمش ایدی . شمدی ده اودور تقوانک ، اودور عدالتک نه کبی قواعد اداریه یی احتوا ایتدیکنی اجمالاً تضمن ایدن برخطبه مهمه نک اصلی و ترجمه سی درج وایمان ایدلمشدر .

قال طلحة بن معدان :

خطبنا عمر بن الخطاب خطبة فحمد الله واشئى عليه ثم صلى على النبي صلى الله عليه وسلم وذكر ابا بكر فاستغفر له ثم قال :

ایها الناس ! انه لم یبلغ ذوق حق فی حقه ان یطاع فی معصیه الله وانی لاجد هذا المال الا یصاحبه الا خلال ثلاث . ان یؤخذ بالحق . ویعطى فی الحق . ویمنع من الباطل واما انا ومالکم کولی الیتیم ان استغنیست استغفقت وان افتقرت اکت بالمعروف ولست ادع احدا یظلم احداً ولا یعتدی علیه حتی اضع خده علی الارض واضع قدمی علی الخد الا آخر حتی یدعن للحق ولکم علی — ایها الناس — خصال اذ کرها لکم فخذونی بها : لکم علی ان لا اجبی شیئاً من خراجکم . ولا مافاء الله علیکم الا من وجهه . واکم علی اذا وقع فی یدی ان لا یخرج

اجرا ایدیلن سپارشلرده کانه بر صورت فرض ایدلم مثلا اوده ساده دکرمنجیلردن بریسی استانبول تجارندن برینه — هیچ نمونه اراء ایتیمه رک — بیت کیله بغدادی سپارش ایلمسه استانبولی تاجرده الاشاعی بغدادیلردن کوندرمش اولسه عجباً نتیجه ده ظهوره کله جاک نزاعده اوده سالی دکرمنجی خیار رویت ایله بغدادی اعاده ایده بیلسمونی ایده مسومنی ؟

شبهه یوق که بالجمله معاملاتده بویه نمونه سز سپارشلرده تجار خیار رؤیتی ترجیح ایتدکاری وایده جکاری کبی ماندلستام جنابلری ده بومسله ده خیار رؤیتی بلکه فرض کورورلر . شوقدر وارکه مسئله عکسنه اولورسه اووقت خیار رؤیته ینه اعتراض ایدرلر .

شوراسی ده نظر دقتدن دور طوتاملیدر که سپارشلر علی الاکثر قومیسسیونجیلر واسطه سیله یاییلیر بونلرده ایسه شرایه توکیل قضیه سی جاری اولدیغی وخیار رؤیتده وکیل بالشراء وکیل بالقضنک حتی رسولک نمونه یی رؤیتی خیاری اسقاطده کافی بولندیغی نظر اعتبارده آله جق اولورسه تجاری سپارشلرده بوضورتله خیار رؤیتک تأثیری قانز و اولسه بیله بوکا توفیقاً معاملده یاتمق پک قولایدیر . دیگر جهتدن بعض سپارشلر فاطوره و تعرفه اوزرد وقوعه کلیر . بونلرک بر قسمی سلمه داخل اولمقاه برابر دیگر بر قسمندده فاطوره و تعرفه لر میبعک اصل مقصدینه واقف اولمق اییون کافی اولدیغی عرف تجارده ثابت اولورسه بونلر دخی نمونه اوزرد وقوع بولمش دیمک اولدجغندن بو جهتدن خیار رؤیتک بر تأثیر مضری اولیه جغنی ینه مجله دن استنباط اولته بیلیر .

دیمک اولور که سپارشلرده خیار رؤیتک مضرتی دکل بلکه وجونی متحقق بولندیغی و تجارت حاضرده نکرده بواساسه مخالف اولدیغی پک بدیهی بر مسئله اولدیغندن خیار رؤیت طولایسیله مجله یه اعتراض ایتک یا اکلما مق و یا سوء نیت

بن خزینہ بیت المالك اوچ اساس اوزرینه اداره سی مناسب
اوله جغنی کوریورم :

(۱) عدل وحق دائرہ سندہ تحصیل اولنق (۲) عدل
وحق دائرہ سندہ صرف ایدلک (۳) قطعياً بلا لزوم
حقیقی صرف اولنماق .

بنم ایله اموال عمومیہ ملیہ کنز آردسندہ کی مناسبت
ناصلدر بیلیر میسکنز : بن عاداتا، بریتیمک و صیدی کی حرکت
ایدرم اموال ذاتیہم معیشتہم کافی اولدیغی و بن اوندن (اموال
عمومیہ دن) مستغنی بولندیغ صورتده کنندی ادارهم ایچون
خزینہ ملتنن برذرہ قبول ایتیم، مرکز دائرہ تعفقدہ نابت قدم
اولورم . شاید عائله می اداره ایدہ جک ثروت شخصیہ دن
محروم بولورسہم انحق حدود معروفہ سی داخلندہ
اولہرق، اصلاً اسرافہ تمایل کوسترمہ یہرک اموال
عمومیہ کنزدن آلدیغ مقدار ایله کینیرم .

هیچ برکیسمه نیک دیگر دظلم و تجاوز ایتمه میدان بر اقام
برتعدی، بر تجاوز و توقع بولدیغی صورتده ظالمک بریناغنی
یرک اوسته و بریناغنی آیاغمت آتته آلهرق اوکاظمک جزاسنی
طاہدیرر، عدل وحقہ اطاعت و انقیادنی تأمین ایدرم .

ای ناس! حقوق اساسیہ کنزد متعلق برطاق قواعد مهمہ
سویله یه جکم دیکله ییکنر بلله ییکنر : سزک اخراجات
ارضیہ کنزدن و مکہ تسببات سائرہ کنزدن وینه عواطف
ربانیہ دن اولہرق احراز ایلمش اولدیغ کنز نعمت لریکنزدن حکو
متکنز نامنه بغیر حق هیچ برشی آلمق بنم ایچون جائز و مشروع
دکلدر . کذلک تحت نظارت مدہ کی خزینہ ملیہ کنزد وارد
اولان اموالک برذرہ سنی بغیر حق خرج و صرنہ مأذون
دکلر . و سزک تخصیصات کنزد بلاه موجب برنوع ضم و علاوہ
وضایم اجراسنی بدن متصور دکلدر .

بن سزک حدود مالک کنزی احکام، توء عسکریہ کنزی
ترید و نشیدہ اقدام ایدہ جکم هیچ، بروقت سزی تہلک یه انقا
وارد ولرکنزی حرکات عسکریہ اجراسندن منع ایتیم . زیرا
بوماعت، اوردونک عاداتا برنوع محبوسیتی دیمکدر . سزہ

منی الافی حقہ . ولکم علی ان لازید اعطیاتکم و ارزاقکم
ان شاء الله و اسدثغورکم . و لکم علی ان لا القیکم فی المہالک
ولا اجرکم (احبسکم) فی ثغورکم . و قد اقرب منکم زمان
قلیل الامناء ، کثیر القراء ، قلیل الفقہاء ، کثیر الائم . یعمل
فیہ اقوام الاخرہ یطلبون بہ دنیا عریضۃ تأکل دین صاحبہا کما
تأکل النار الحطب . الامن ادرك ذلك منکم فلیتق الله ربہ
ولیصبر . ایہا الناس ! ان الله عظم حقہ فوق حق خلقہ فقال فیما
عظم من حقہ [ولا یأمرکم ان تتخذوا الملائکة والنیین ارباباً
ایأمرکم بالکفر بعد اذ انتم مسلمون] الا وانی لم ابغکم
امراء ولا جبارین و لیکن بغتکم ائمة الہدی یہندی بکم
فادروا علی المسلمین حقوقہم ولا تضربوہم فتذلوہم ولا
تجمروہم فتنوہم ولا تغلقوا الابواب دونہم فیأکل قلوبہم
ضعیفہم . ولا تستأثر و اعلیہم . و قاتلو اہم الکفار طاقہم .
ذاذارتیم بہم کلاۃ فیکتموا عن ذلک فان ذلک ابلغ فی جہاد
عدوکم : ایہا الناس ! انی اشہدکم علی امراء الامصار انی لم ابغکم
الا لیفکوہا الناس فی دینہم ویقسموا علیہم فیأثم ویحکموا
بینہم فان شکل علیہم شی رفعود الی .

طاہد بن معدان دیدیکہ :

عمر بن الخطاب، بزد برخطبہ ایراد ایلدی . بوخطبہ دہ
اولا حق سبحانہ تعالی و تقدس حضرت لرینہ عرض حمد و ثنا
ورسول اکرم افندمزدہ تقدیم تحایا وظیفہ لرینی ایفایتدی .
وحضرت ابوبکر صدیقؓ بعض فضائل و مناقبی ذکر و تعداد
وانی رحمتہ یاد ایلدی بعدہ دیدیکہ :

ای ناس ! ای امت !

بیلکنر کہ اطاعت اولنق حقنہ مالک اولان هیچ
برکیسمه نیک دائرہ حق مطاعیتی ! حضرت اللہ عظیم الشانہ
معصیتی موجب اولہ جق صورتده ویردیک امرک شایان
استماع و متابعت اولمنی ایجاب ایدہ بیلہ جک حدودہ بانغ
وواصل دکلدر . حضرت خداوند کریمہ عصیانی حاوی
اولان ہرہانکی بر اطاعت ؛ عینلہ معصیتدر .

ای ناس! ای اهای! بن سزی بتون امرای امصار اوزرینه شاهد طوتیورم . بن اونلری (امرای) ناسه معارف دینیه لرینی تعلیم . اموال دولتن حصه معینه لرینی تقسیم . آردلرنده وقوعه کله جک مختصاتی قانون حق مقتضاسی اوزره فصل وتیین ایتمکدن باشقه بروظیفه ایله کوندردم . وظائف مأمور دلرینک صوراجرائیه سنده حل و کشف ایدمه جک لری مشکلاته معروض قالیر ایسه بکا بیلدیرلر .

مصطفی عاصم

تاریخ اسلام صحائفندن

« شیه الحمد »

(هاشم بن عبدمناف) عنوانلی مقاله ده بیان ایدیلدی اوزره مشارالیه حضرتلری . ریاست قریشی حائر یکرمی بش یاشلرنده برکنج ایکن مدینه ده بنات خزرجه دن (متدایه سلمی بنت عمرو بن شریذ) ی تزوج ایدرک بعدالزفاف (غزه) یه کیمش واوراده ارتحال ایله مشدی . هاشمک ارتحالندن سوکرا جبهه غراسنده نور محمدی پارلایان زاده هاشمی . هاله آغوش سلماده لمعانه باشلادی .

کرا نقدر نجات بولونان بودر یتیم — هم رأس ریاست رواسنده کورولان بر قاق بیاض قیله تلمیحاً ، هم ده تکشیر مکارم ایچون عمرطویله نائلیتی قصیدیه تبرکاً — شیه الحمد نامیله توسیم ایدیلدی .

مدینه کونشدن زیاده حرارت مشفقانه نشر ایدن آغوش سلماده شیه یتشمش . بدی یاشنه کیرمش ، نشوونما بولمش . اجدادینک مفاخر شجاعته وارث کامل اوله جغنی اثبات ایچون اوق آتسانی . مزراقله ، قلیجله اوینامسنی سائر اکلنجه لره ترجیح ایتمکده بولونمشدی .

یا قلاشمش اولان برزمان واردرکه اوندده اوقور یازار آدم لر حوق فقط شایق امن و اعتماد کیمسه لر آز . اوندده ارباب فقه و بصیرت : معروض ائت . لکن افراد امت حائر کثرت اوله جقدر . اوزمانده برطاق کیمسه لرکویا آخرت ایچون چالیشیرلر . فقط اونکله دنیانک منفعت عاجله سنی الدده ایتک ایستلر . لکن یا کلیمورلر . آتسک اودونی افنا ایلدیکی کبی بوطریق ایله استحصال ایلدکاری منافع دنیویه اونلرک دینی افنا ایدر .

اوله زمانه یتیشلر الله قورقوبسینه ملازمت . ضعف نفسلرینه قارشو صبر وثباته ماثرت ایلسونلر .

ای ناس ! حضرت خلاق عظیم الشان کندی حقوق معبودتی خاتمک حقوقی فو قنده اوله رق اعظام ایتمشدر . (ولایا مرکز ان تخذوا الملائکه والنبین ارباباً ایامرکم بالکفر بعد اذ اتممسون) بیورمشدر . (حق تعالی حضرتلری سزه ملائکه وانبیای معبود اتخاذ ایتمه نی امر ایتمز . چونکه بو ، کفر در . سز اسلام وهدایت بولدقن صکره هیچ کفر ایله امر ایلمی ؛)

ای امتک ایلری کلنلری ! بیلکیزکه بن سزی امرای و جبارین اوله رق دکل ائمه رشد وهدایت اوله رق مأمور ایدیورم کوندیریورم . سز ، دیگرلرینه وسیله هدایت اوله جقسکیز . سائرلری سزه اقتدا ایله طریق حق بوله جقدر . مسلمینک حقوقی ایفا ایدیکز . اونلری ضرب و تحقیر ایتمه یکیزکه باعث مذلتلری ، اونلری غزایه سوق ایتمه مک صورتیله حبس و توقیف ایتمه یکیزکه سبب زوال دولتلری اولمایه سکیز . ارباب مراجعتدن هیچ بر کیمسه یه ابواب حکومتی قپامایکیزکه قویلر ضعیفلری چیکنه مسون . هیچ بروقت نفسکیزی اونلراوزرینه ترجیح ایتیکیز . سوقيات عسکریه ده حدود طاقتلری خارجه چیقمایکیز . اونلرده یورغوناق حس ایلدیککیز وقت مناسب درجه استراحت ویریکیز . زیرا بو حال اونلرک مساعی مجاهدانه لرینی پک کوزل ترید ایدر .